

人物下 鄉飲賓附

明

石堅董封里人洪武十七年歲貢初任齊河縣典史擢行人司行人負忠義饒膺畧永樂時高麗不庭堅抗疏請往平之上問計將安出對曰兵難遙度陛下第命臣臣必有以復陛下上奇其論遂命行堅單騎往面高麗王宣布朝廷威德謂若不服吾當勦滅爾國高麗王笑謂吾一人至吾國何敢大

澤州府志

卷之九

人物下

一

言堅曰固知若必殺我但與師來勦若輩不爲齏粉乎高麗主拜服卒不煩一兵以片言讐屬國使奉正朔還授按察司副使

王彬陳村里人由永樂丙戌進士任直隸興濟知縣時運河衝決城郭漂搖久難修築彬臨河歎曰天欲溺吾民何如溺我卽投河有門役挽帶隨之趨明日漂尸於縣堂冠帶如生濟民感之爲立祠歲時祭禱焉

郭鑑蓋封里人宣德己酉舉人官廣西道御史出知

一 兗州府加參政銜致仕歸河津薛文清瑄爲題小
像贊以杜詩趙抃比之

張環字瑤夫宋莊里人宏治癸丑進士初令直隸棗
強縣有廉名後歷內黃鎮安知縣累官至泰州知
州環資性剛方好學不輟門下遊學者甚衆自號
曰菜菴子弟璉宏治壬子舉人亦任內黃知縣莊
簡明決頗著政績後官至寧州知州

張廣習義坊人爲人秉性忠厚砥行端方喜施濟樂
聞人善爲鄉里所矜式子讓宏治戊午舉人天資
人咸稱之

絳縣志

卷之九

人物下

張體仁廣元孫由貢生任陝西鄠縣主簿初體仁請
選時嘗夢與程夫子同坐及到任廳事前有古槐
土人呼爲程子槐始知明道先生亦曾爲是官遂
悟前夢每事宗法程子清介有名

郭懷義習義坊人長於吟咏好學不倦由貢生歷官
蒲城教諭永昌教授師範嚴正多士宗之
任維屏通明坊人性穎悟學問淵博由歲貢任河陰

令居官廉正治本經術深得民心歸里後施賑
人無算鄉人皆德之

張夢鯉字子化陳景里人萬歷丁丑進士任山東臨
淄令篤志好學積書萬卷居官亦多善政

王修下柏里人以歲貢歷官文水訓導平順教諭制
行端莊舉動不苟年九十餘居鄉猶好學不倦後
喬也里蓋大卿官保德州學正歸亦年至九十餘
儀貌修整字畫端楷人每並稱焉

續統字正傳通明坊人天資敏慧諸子百家過目不

絳縣志

卷之九 人物下

三

忘年十四補博士弟子員事繼母以孝聞由歲貢
授河南汝州訓導教士子先德行而後文藝講解
不倦汝士咸感其教思後轉周府教授會疾作辭
歸卒子唐祚拔貢能文克紹家學

吉大來習義坊人學問淵博長於吟咏嘉靖壬午舉
人任藍田知縣歸里後創修邑志惜舊本不傳今
僅存其序云

郭永固范璧里人萬歷己酉舉人令渭南有惠政改
令甘泉崇禎間流寇充斥永固憑城接戰手刃二

賊賊擁上城遂被殺妻焦氏亦罵賊遇害柩歸至
雒川賊黨仍懷舊恨開棺劈尸肝腦俱盡按臣吳
牲以聞七年賜祭葬十年贈光祿卿廕一子
呂邦寧鄭柴里人性聰敏幼年卽有文名及長學更
博雅由恩貢任河南封邱訓導啟迪後學諄諄不
厭封邱之士被其教者甚多

譚登仕馮村里人由恩貢任同州訓導轉秦安教諭
擢令雒南服官清慎按使張薦於朝有學先性命
理究天人不受贊儀不通私謁之語性嗜學嘗以

絳縣志

卷之九 人物下

四

大學配河洛圖書文太青稱爲眼空千古歸里後
遇歲大祲上書汪副使力言煮粥不若給米多所
全活平居足不入城市就塾教授從遊者甚衆所
著書藝先有行世者惜今無存無由稽考焉子田
明別有傳

陳讓陳村里人由歲貢任蓋厓訓導遷靜樂教諭大
寧都司教授未至任歸性至孝善事繼母學使傅
舉德行第一靜樂學宮宅舍久頽讓殫力修葺歸
里後值歲祲讓哺餓人瘞附骼置祭田善舉甚衆

所著書文悉本理學惜未行世卒蓋屋祀名宦邑
祀鄉賢

周九官宋莊里人由貢生任太原縣訓導立身嚴正
不諂事長官邑令與庠士蘇復生等有隙預爲申
文乘夜持詣學廸押九官正色拒之乃止後遷壽
陽教諭時值凶荒餓殍載道九官捐俸以贍貧士
壽陽士人咸感佩之

任維清通明坊人崇禎間以貢授永寧訓導端嚴莊
重時舉忠孝節義事規切諸生流寇至城破維清

絳縣志

卷之九 人物下

五

罵賊不屈因遇害祀永寧名宦後本邑祀鄉賢

撤君賜字賓王史村里人丰姿秀雅爲諸生有聲譽
一時從遊甚衆後由歲貢選荆州府訓導時流寇
充斥其子涕泣勸勿行君賜鞭其手以去旣至任
與諸生陳說忠義事亶亶不倦崇禎壬午冬十二
月李自成破荆州監司以下皆遁去君賜獨正衣
冠端坐明倫堂賊至罵不絕口而死

國朝順治間崇祀鄉賢十八年荆郡士人請祀

劉養德董封里人由例貢任招遠縣主簿招地濱海地多荒蕪養德至任後循行阡陌悉心勸導開墾荒地四十餘頃招撫流離人戶民感其德擢藩府工正在任勤慎遇事匡諫王以劾職忠勤四字鑒之以疾致仕歸卒於家

趙養志宋莊里人萬曆間官瀋陽知縣時潮邑土寇出沒民甚苦之養志親至賊穴宣示德威賊衆感服境內由是無患弟養民以吏任良鄉縣丞清勤奉職值歲大祲養民規畫賑務甚有條理民賴以

絳縣志

卷之九 人物下

六

活者甚衆

康兆民馮村里人天性孝友待異母弟友愛尤篤爲弟子員耿介端凝當世咸服其品時史御史宅中嘗有妖爲患兆民至妖卽不見人皆以爲神異竇因其平日爲人方正邪不足以勝之也學使舉總行第一子四維別有傳

康四維兆民子崇禎甲戌武進士任西陽河守備遷山西都司僉書累陞廣西掌印後賊兵抵城下四維奮臂巷戰與其妻子俱殲焉

郭帝都留孟里人邑廩生讀書明大義平居周急濟困見重鄉黨崇禎末流寇蜂起蹂躪邑境帝都督鄉兵禦賊不克被害

國朝康熙四十八年祀鄉賢時貢生盧繼芳及尊王里人曹浩均以鄉兵討寇死之

范應奎生員幼孤奉母盡孝非禮不爲嘗拾同里人糧銀還之

國朝

郭自修橫水里人性梗直少讀書卽以忠義自負比

絳縣志

卷之九

人物下

七

膺歲薦授安遠知縣束裝偕二僕就道子弟有請行者不許蒞任後理民事不少懈未二年綱舉目張尋以石城失守調石城南至而山賊張自聖率衆來攻自修督民守禦久之城破賊已入自修猶立城頭指揮旣而左右悉散遂爲賊執自聖誘以好語逼之降自修端坐大罵不少屈自聖怒手刃於城下邑人哀其忠歛而葬焉康熙六十年孫維屏迎觀歸石城人郊祭者數十里不絕後祀鄉賢康所優陳村里人由武進士任陝西寧羗衛守備順

治六年姜逆擾平陽南境盤踞絳邑優自寧堯竄
敷陳國威數其罪狀力詬之賊怒遂殺於邑之柳
莊村後祀鄉賢

張養心賀陳里人邑庠生幼孤事母馬氏以孝聞賊
陷堡母被賊害棄於水中時心被執痛母死非其
命號痛不欲生賊念其孝釋之每逢忌辰輒哀哭
躑躅若初喪者終其身未嘗有改也

王天扶史村里人性仁厚四歲喪父比長奉母郭氏
至孝母好施扶仰體親志散粟以濟饑民捐貲完

絳縣志

卷之九 人物下

八

人婚葬者尤多子廩監生用亦能承父志族有八
旬老婦失明貧不能自存用時給其衣食嘗行過
汾河遇有漂溺者用出貲命救已無及因買棺殮
之又捐置宗田以贍族人人咸稱其有父風焉

孫尚書犯村里人順治六年土賊猖獗縣境母王氏
年逾八旬衰老不能舉動書棄妻子負母避難行
至中途爲賊所執劫其隨從書依戀老母涕泣哀
懇賊欲殺書母以絕其內顧書冒鋒刃護母願以
身代被刃而死賊感其孝因釋其母幼子奇抱屍

而哭三日後面猶如生

時泰畱孟里人豪俠好義崇禎末歲大饑時泰出粟以濟窮餓者又捐地置義塚年至七十不忘兄弟食時必集兄弟於一堂率以爲常子機事二親孝與人交必誠信順治六年父時泰被賊虜機號泣追至中途願以身代賊感其孝父子俱釋後賊圍本莊索糧食機與之粟百石圍遂解闔莊俱免後邑令彭敬慕其人賓之鄉飲及卒鄉人俱爲流涕

絳縣志

卷之九 人物下

九

劉化育永樂里人順治辛丑武進士任湖廣道士斌都司營守備治兵安民恩威兼濟楚人倚爲長城性至孝順治六年羣盜數十標掠村落時化育母病篤不能舉動賊至家人悉奔散化育獨依母側毫無懼色賊感其孝義嘆服而去

遠長三里人性至孝父病卧床五載懷遠躬侍湯藥衣不解帶父歿泣血三年未嘗見齒後由武舉任寧波衛守備奉差領運遇寇同事者皆逃流懷遠獨不懼與其長子生員弼王拒敵漕糧得以

無失嗣因追滅海寇糧盡無援被賊困辱不屈而死賊投其屍於河時其子弼王從即投河抱父屍載沉載浮者數四得舟人救乃出既殮與其弟翼王扶柩歸葬弼王有勇力性至孝痛父死國事悲哀廬墓旋以毀卒翼王亦以孝友稱事寡嫂撫孤姪尤盡其道

原世儒范璧里人望子順治二年拔貢任平海衛經歷時海賊鄭芝龍犯順世儒將之官有尼其行者曰賊勢方熾盍少待以避之世儒曰我職雖微固朝廷命官也豈畏賊乎遂行將至任所遇賊賊逼之投順世儒不屈而死

絳縣志

卷之九 人物下

十

吉鳴謙字正之習義坊人爲諸生時苦志勵學中順治甲午舉人出宰夏津涖任後勤農桑禁游惰夏津之民翕然化之又創立義學延名師以課士公餘卽與諸生講求文法多所指授一時隣邑之士咸聞風而至康熙甲子科入闈分校悉心披閱得士顏光敷孔興祥等五人皆當世知名士初鳴謙未入闈時嘗夜夢孔子與顏子列坐孔子撫其背

而稱之曰此子真吾徒也如是者三覺而異之及榜發果有二裔羣相傳爲異事後以老乞歸里居力行善事鄉人咸感其德

曹天寵郇王里人由歲貢任伊陽訓導遷沁州學正日與生徒講學不輟所造之士顯達者多沁州武鄉缺官按使金嘗借才焉所著有書文時藝藏於家時仇張里侯嘉允由貢官五臺訓導亦雅意作人士林咸仰戴之歸里後舉鄉飲止賓

李自美字玉林北鄰里人順治戊子副榜任江西瑞絳縣志

州府通判先是瑞屬新昌有偽漢時浮糧十餘萬賠累三百餘年民甚苦之自美至以己職司糧務力請於上官乃得除糧民困以甦及歸襆被而行囊橐蕭然壬申荒邑饑自美鬻地以賑鄉里又捐地爲義塚至今猶有稱道其事者

陳所抱陳村里人讓子順治己亥進士初爲長武令地瘠民貧抱至勸以耕織民漸殷實公餘與諸生講學課文士習文風俱爲改觀俸滿擢淮安同知百姓泣送至百里外及到淮安任釐奸剔弊僚屬

咸敬憚之時淮民有陳汝漢陳汝白以人命被誣
繫獄積年所抱力辯其寃得釋以勞疾卒於官後
祀鄉賢

常自立鄭柴里人容貌奇偉善飲酒氣槩不凡由歲
貢任交城訓導循循善誘多所啟迪一時遊其門
者咸得成就教子有義方致仕歸兩舉鄉飲正賓
季子伸善古文康熙庚午舉人任沙河知縣甫到
任值大兵過境伸先請大營得令箭節制以布作
馬槽五百其制簡而有法軍民利之以勞卒官

絳縣志

卷之九 人物下

十三

張礪字介石號中峰宋莊里人順治庚子舉人任蘭
谿令性仁慈多惠政兩次分校得士十八人皆漸
水名宿後將行取礪知止足以疾辭歸士民攀留
不得咸作詩歌以紀德政

王積業通明坊人爲人豪俠好義嘗於途中遺金訪
還本主里中稱之時三閭里人郭恩賜亦拾銀五
十餘金還人邑令吳俱給匾旌之同時王淵祁國
英亦以還金稱義

李穎達睢村人少穎悟讀書能數行下恪遵父教

動不苟比長益力學有文名中康熙己酉舉人任
鎮原令鎮原地處邊郡俗悍民刁命盜案極多穎
達多方整頓案牘漸少又爲之編里甲平徭役鎮
原人感之爲建坊立碑以誌其德穎達長於文鄉
墨爲海內傳誦所著文稿頗有行世時其族李瑄
篤學勵行由丁卯舉人官廣州學正亦摻尙廉介
勤於造士云

楊呈芳庠生性孝友立品端方尤好施與歲饑煮粥
以贍窮餓又設義館令八邑之子就讀其中多所

絳縣志

卷之九

人

十三

成就

譚田明字見甫登仕子年十二四爲諸生有名於時
讀書能會其要學富才贍詩古文詞無不擅長舊
志纂修多田明手筆性耿介不樂仕進邑令楊敬
其爲人敦請再四不至後以貢生終所著書文時
藝頗多行世迄今缺畧不存後人無所採擇子璿
衡庠生亦能文爲人謹愿嘗於永樂村南卜葬其
親鄉人以有礙風水告璿衡卽移葬於村西之祖
塋人咸服其長厚

崇之棕北續里人爲邑諸生性仁厚樂施濟歲有歉則出貲粟以賑貧乏會不少吝莊有高復台者少孤有志向學之棕助之資令讀書得成名後復台早夭存問其子嘗於荒年過洛下見有鬻妻者之棕出金完其夫婦生平好義行善大率類是子帝蔭職監生克繼父志賑荒貸乏施德於鄉捐金開絳翼接壤山路以便車行建續魯峪橋四十餘處夏拆冬修歲以爲常行旅賴之又修曲沃交裏橋一時名公當事咸有題贈里人感其父子爲立絳縣志

卷之九

人物下

十四

碑記事載通志時又有馮范里人高鸞亦好義疎財創建續魯石橋捐田爲義塚又出粟百石以賑荒邑令陳旌其門曰倡義善士

任珩字楮九通明坊人由庠生入監授州同職事繼母以孝聞康熙三十一年歲大饑珩出粟煮粥全活無算平居周急濟困著有義聲

已繼純事繼母孝父母歿廬墓三載子章亦至孝母病葦水漿不入口哀毀以卒與母同葬

以禮爲陳村里廩生事母孝平日急公好義順治初

寇盜未靖爲鄉人患禔媽調練鄉兵以備不虞盜
悉遁去同莊子弟有游惰者必教責之又勸止村
中演劇以省靡費歲饑煮粥施米以賑貧乏睦嫻
任郵善舉爲多子生員雷交出爲弟後亦好施不
吝教其二子力行善事

白玉梁畱孟里人家貧力田以供甘旨兄玉璽出外
營生久不歸母病命之尋兄玉梁至南陽與其兄
歸早間山行遇盜玉梁素有膂力欲與鬪恐傷兄
乃被劫行李而去行半里雷電交作電光中忽見

絳縣志

卷之九

人物下

十五

一虎兄弟共相祝曰寧噬我玉梁以身庇兄少頃
有執鞭者成羣而來虎卽去得以無害歸至家母
病危篤醫藥罔效玉梁割股以進病遂愈玉梁未
嘗學問孝友之行本於性生嘗購

上諭十六條註釋見其易曉每向閭巷中言之將
卒前一日預知如期果驗後史村里人王自忻亦
以割股聞

王大任東廂坊人儀表魁偉勵志好學緣屢躋文壇
改習騎射康熙丙午鄉試中武舉以親老不求仕

進親歿哀毀骨立撫五歲幼弟自髻鬣及成人恩
勤備至終身不分爨周急好施荒歲煮粥活人不
少吝惜性耿介雖居城市無事不造公門以故當
事咸重之年逾八十以壽終

王錫東廂坊人家貧孝友父聘士授沙泉同心二驛
驛丞錫徒步從之未半載聘士歿錫典衣裝以殮
復號泣歸里盡產以迎襯時迺寒同心守備蕭請
俟春且代乞賻郵錫力辭卽日就道晝則繩繫輻
躬自挽夜則露宿柩側而號抵家墜指裂頸無復

人形見者胥酸鼻母喬氏卧病一載侍奉尤力比
歿耐父墓慟幾絕從弟理臻幼孤不能自活錫字
之俾胥有室邑令盧將表之以勵俗固辭雍正八
年旌表八忠孝祠仲子體中亦以孝友著

陳佐周陳村里人年十五父所性卒哀毀甚非杖不
起所性係選貢五經諸史胥有論著佐周見父手
澤輒涕泣不止事母李氏不命之退不敢退母或
譴責必跪受湯藥必親嘗嘗徒步百里延醫遇盜
將殺之忽虎出叢簿間盜駭遁虎亦遠巡去母歿

寢極次二年不入室嘗建家廟刻族譜大有謂克
守家學雍正八年旌入忠孝祠

馬化祥字虹字史村里人好善樂施嘗客高平時有
爲虎所斃者屍骸暴露母妻無依化祥出金殮葬
之且卹其家孫紹融邑廩生性穎悟少卽知名善
詩詞工書法惜以天卒從弟宗援太學生亦工書
法善篆隸

史宗逸仇張里人以增廣貢爲人慷慨明於大義樂
施與康熙辛未年蝗蝻爲害民餓饉宗逸出粟以

絳縣志

卷之九

人物下

七

濟鄉里計口授食本莊人多所全活並將各村暨
垣曲地內租銀概免之處里黨和藹可親遇事必
爲之分解以故三十餘年鄉隣未嘗有爭鬪事

曹際烈尊王里監生性友愛撫五歲孤弟成立眠食
與共教養備至康熙五十九年歲大荒際烈出糶
糧三百餘石以贍鄉里又於倉封寺煮粥賑饑時
戚友稱貸八百餘金際烈悉舉券焚之未嘗掛齒
類焉

任儉通明坊人由吏任清河典史操尙廉潔不爲苟

取有善政清河人愛之爲作德政歌再任諸暨亦
得民心儉雖由刀筆然性仁厚好行善事置義田
建家廟他如資婚助葬義舉不少嘗念城關考誠
者衆其中貧富不一因捐置資本令官舖交代凡
城關人試卷槩不給價勒碑以垂永遠至今猶被
其利云

賈師聖字仰止史村里人武生家素封樂於施濟有
公事必勇往無少推諉康熙辛丑壬寅間連遭大
荒民不聊生師聖出粟煮粥以救窮餓又嘗於南

絳縣志

卷之九 人物下

六

陽捐地一頃爲會館公費鄉人感之爲立碑記後
以子凝吉官贈中憲大夫

賈由聖史村里人由監生授州同職事繼母孝待幼
弟克敦友愛善治生以勤儉起家然能好禮鄉里
有急難必爲周助無少吝康熙辛丑壬寅歲大荒
由聖出粟煮粥嘗捐義倉穀二百石邑令詳請題
叙生平善事如建義學施藥餌等事尤著後舉鄉
飲疊膺

綸誥族人庠生永揚亦出粟賑荒爲善於鄉里人

皆稱之

范加玉晉南里人居家孝友好行善事有隣人張耀
久出不歸其母與弟欲嫁其妻其妻泣將自盡加
玉聞之卽以已衣質銀假作耀書送至其家云耀
在某處後年餘耀果歸夫婦由是完聚弟加榮亦
苦力作撫其姪讀書成名恩義兼至

郭百仞字鳳崗紫家里人恩貢生事父母以孝聞父
病黃疸醫家謂宜忌鹽百仞不忍獨令父淡食己
亦不食鹽一年母患瘡百仞以口吮其膿血遂得

絳縣志

卷之九 人物下

九

愈生平好學不倦讀書必求其要旨尤喜引掖後
進家雖貧然樂施予稷人張堯母子客死其莊百
仞嘗殮葬之

賈從聖史村里人性好義勇於爲善康熙六十年歲
大祲煮粥賑饑兼給粟銀又嘗焚券人咸感之子
凝禱貢生精岐黃術尤喜利濟凡就醫者既不索
謝復予以藥嘗慨然曰人不爲良相當爲良醫其
自負如此己卯歲大饑絳尤甚凝禱於族里之貧
者按口給銀所費不下數百金河東觀察以時

任卹旌其門

賈連葉史村里人自少苦志讀書為諸生有名屢躋
場屋乃援例入貢授州司馬職嗣母王矢志守節
連葉侍養能得其歡為請旌建坊以遂顯揚之志
居家敦雍睦撫孤姪教養備至慷慨好施出粟教
金澤及隣里嘗捐義倉穀五百餘石以備荒歉
令舒褒之事載碑記

靳至人永梅里附貢讀書能得大旨砥行立名勇於
為義鄉黨中有事必為之分釋施金疏渠為闡村

絳縣志

卷之九

人物下

三

利捐義穀賑饑民所費粟以百計絕無所靳河東
道嘗給匾以旌其行

曹鶴徵遇異人授鍼法沉痾宿疾應鍼而起四方至
者戶外屢常滿年九十有八歲精神彌旺
通志藝術

鄉飲賓附

正賓

吉鳴謙

習義坊人夏津縣知縣

陳馨媯

陳村里人州同職

任仲只

通明坊人恩貢生

侯嘉允

仇張里人五台縣訓導

尉登陞

長千里人壽陽縣訓導

郝模

任村里人州同職

賈永待 史村里人

王淑身 東廂坊人

侯德彰 仇張里人 懷仁縣訓導

王闢疆 東廂坊人 例貢

任九冲 通明坊人 州同職

王禮 通明坊人 歲貢生

張文煒 仇張里人 例貢

賈從聖 史村里人 州同職

賈化聖 史村里人 興縣教諭

王暢 畱孟里人 猗氏縣訓導

張文炳 更名二戶人 天鎮縣訓導

賈由聖 史村里人 州同職

李世香

王賜响

介賓

柴毓靈 陳村里人 生員

尉正華 長千里人 生員

絳縣志

卷之九

人物下

三

陳璧經 北柳里人 生員

任光宿 通明坊人 生員

王贊 東廂坊人 生員

盧奎觀 長三里人 生員

任燧 通明坊人 生員

王靈 東廂坊人 生員

賈承聖 史村里人 生員

范錦 史村里人 生員

賈景聖 史村里人 生員

柴本達 范璧里人 增生

撤大用 喬也里人 生員

陳端倫 陳村里人 生員

馬司教 畱孟里人 生員

李孔武 北柳里人 生員

譚璿衡 馮范里人 生員

靳衷實 靑凌里人

原丕揚 范璧里人

陳雷輔 陳村里人 生員

馬伯龍 留孟里人增生

范錦 史村里人

郭寓林

賈惟幹 史村里人

續帝治

徐自超 陳村里人

陳秉公 陳村里人監生

劉名世 柏封里人

李折桂 北柳里人

范爾琮 史村里人

王台衡 東廂坊人

陳秉鑑 陳村里人

翟璩 任村里人

胡莊 習義坊人

耆賓

續進忠 通明坊人

朱珮 習義坊人

絳縣志

卷之九 人物下

三

喬汝棟 習義坊人

續繹 通明坊人

任大和 通明坊人

張守庫 習義坊人

任維宸 通明坊人

任維嚴 通明坊人

喬益 陳村里人

續元化 通明坊人

喬國器 習義坊人

喬廷樞 習義坊人

曹鶴徵 尊王里人

高如海 永枚里人

馬機 留孟里人

王正華 青凌里人

王錫極 東廂坊人

喬從訓 習義坊人

喬從敦 習義坊人

王起鼎 青凌里人

靳 已
里永枚人

李 敏
里犯村人

賈 集鳳
里史村人

胡 希敬
里陳村人

王 承業
坊東廂人

王 宗士
坊東廂人

喬 嶽
坊習義人

翟 洪福
里任村人

王 式中
坊東廂人

史 嘉芳
里仇張人

喬 鳳樓
坊習義人

撒 士龍
里史村人

喬 皓
坊習義人

王 鎔
里永枚人

張 國明
里永枚人

賈 玠
里柏封人

賈 瑋
里史村人

王 纘周
坊東廂人

李 效
里犯村人

尉 登壇
里長三人

撒 世隆
里史村人

白 受贈
里雷孟人

徐 宏謨
里陳村人

王 律時
坊東廂人

郝 林秀
里任村人

王 珩
坊東廂人

樊 歲
里尊王人

尉 安華
里長三人

柴 楷
里范璧人

柴 含珠
里范璧人

張 宏化
里永枚人

沈 廷梅
坊通明人

王 則湯
里青凌人

賈 瑞
里史村人

撒 矩
里喬也人

張 煜
坊習義人

絳縣志

卷之九 人物下

柴昌祚 范璧里人

柴盤祚 范璧里人

郭天奇 冷口里人

樊偉文 宋莊里人

王毓昌 習義里人

撤承湯 喬也里人

姚紹頊

賈連環 史村里人

賈瑜 史村里人

史永寧 賀大里人

賈馨芳

王枚

董帝修

譚繪

賈琮

賈炳

徐士哲 陳村里人

康命 馮范里人

絳縣志

卷之九 人物下

三

姚之瑾 晉南里人

康莊 馮范里人

柴通霄 范璧里人

吉大來 青凌里人

翟洪發 任村里人

郭雄發 青凌里人

喬杠成 任村里人

王睢變 東廂坊人

李岱 喬也里人

李忍 喬也里人

李位閣 宋莊里人

王欽伊 晉南里人

撤大體 喬也里人

王立統 北續里人

喬天成 任村里人

續贊猷 馮范里人

撤大威 喬也里人

李清凡 北柳里人

劉世爵
里柏封人

宋桐
里長三人

劉依中
里柏封人

徐宏起
里陳村人

王德嶺
里史村人

楊楚周
里任村人

馬再融
里史村人

樊世積
里宋莊人

楊芳梅
里賀大人

李五行
里北柳人

王聚民
里范璧人

張爍
里習義人

白永元
里宋莊人

馬錫庶
里史村人

李自挺
里長三人